

1903

年

卷

第

81

期

第

北洋官報

聖諭廣訓

明禮讓以厚風俗

這第三段是說讓的禮固是不可少的然這禮的妙用只圖和
 順有一點勉強就不是禮了這禮的實際全是要謙讓有一點爭
 忿就不是禮了所以夫子說若能從禮讓中行出來治國何難又
 說爲上的先要恭敬謙讓這百姓便不爭競了

藏書

平

北

圖

本局開設天津河北獅子林

每月價銀大洋七角五分
郵費另加

北洋官報

第八十一冊目錄

聖諭廣訓恭錄

塘沽碼頭圖

官門抄

上諭

督憲批示

尹憲轅抄

督憲轅門抄

專件

奏議錄要

本省公牘

時政紀要

各省新聞

各國新聞

廣告

本省各州縣收欠報費單

已付全年 成安 磁州

已付半年 無極 臨城 沙河 任縣 滄州 慶雲 撫寧 臨榆 定興 祁州

春季已付訖

獻縣 肅寧 交河 景州 吳橋 豐潤 井陘 新河 武邑 衡水
大名 武強 饒陽 正定 獲鹿 井陘 欒城 行唐 清河
南皮 那台 永年 肥鄉 蠡縣 廣平 邯鄲 威縣 清河
元氏 青縣 平原 盧龍 遷安 宣化 赤城 切都 河間

春季未付全

阜城 趙州 曲周 灤平 昌黎

全未付

靜海 鹽山 豐寧 扶昌 赤峯 朝陽 灤州 萬全 龍門 懷來
蔚州 西密 懷安 延慶 保定 滿城 安肅 清苑 任邱 寧河
容城 完縣 蠡縣 雄縣 東鹿 安州 高陽 安平 易州 涿水
故城 東光 肅州 曲陽 贊皇 深澤 南宮 棗強 南樂 清豐 涿水
廣昌 靈壽 平山 贊皇 藁城 新樂 元城 南鄉 清豐 東明
唐山 內邱 柏鄉 隆平 高邑 密晉 南和 平鄉 廣宗 鉅鹿


本報自出版迄今已逾半載直省應收報費前經詳明 督憲

轉飭各州縣統解各該管府州廳彙繳本局業蒙通飭在案所

有已收未收細數列表如右務望按季清解照數補繳勿任拖

延以重公欵實為股盼

官報局啓



天 津 塘 沽 碼 頭 圖

宮門抄

五月十五日 吏部 翰林院 廂白旗值日無引 見 承燕延伯各假滿請 安

景灃謝賞頭品頂戴 恩 江蘇道陸鍾琦謝 恩 廣西知府王祖同謝 恩 四

川知府溥來福潤謝 恩 亨公請假二十日 錫公續假十五日 景恩續假五日

安存 文蔭預備 召見 侍衛處奏派 保和殿監試 派出頭班阿王 琦瑤

恩福 奇車布 良泰 二班桂公 寶恒 廣祥 都凌阿 瑞啓 召見軍機

皇上明日卯初二刻至 覺生寺拈香畢還頤和園 五月十五日巳刻

皇太后 皇上升 仁壽殿德國使臣穆默 覲見

五月十六日 戶部 廂紅旗值日無引 見 陳璧恭請鐵牌回京請 安 王中堂

因伊子授缺謝 恩 崇中堂謝稽查 上諭事件處 恩 王國楨謝授鴻臚寺卿

恩 溥良請假五日 洵貝勒續假五日 召見軍機 派出閱卷孫中堂 瞿鴻

禩 張百熙 鹿傳霖 榮慶 陸潤庠 陳邦瑞 戴鴻慈 壽耆 張仁黼

五月十五日奉

旨由進士出身之滿漢侍郎內閣學士三品京堂內未與考試試差者著於本月十日在上
書房考試其不願赴考者聽仍向禮部聲明於開列考官時扣除欽此 同日奉

上諭希廉著補授內閣學士兼禮部侍郎銜欽此 同日奉
上諭崇禮著稽查欽奉上諭事件處欽此

五月十六日奉

上諭戶部奏衙署不戒於火請將堂司各官議處一摺本月十四日戶部捐納房失火延燒大堂銀庫并各司處該部堂官及當月司員文懋汪文司務廳值班筆帖式錫璋張啓芳均屬疏于防範着交部分別議處所有庫儲款項着迅速清理查明具奏欽此

督憲批示

職商馬文龍汪杰麟稟

稟悉銀元局所鑄銅元接濟天津市面有無餘存該商等因灤州開平唐山等處制錢缺乏備銀五萬兩請購銅元運往周轉是否可行候行支應局查明核辦具覆此批

具稟永清縣文童王謹

李震承辦捐款既有侵吞情事該縣已經查明何以並不究追率行勒結完案殊不可解仰永清縣迅將原案情形據實詳覆核奪抄錄呈單批發

具呈文安縣民婦崔郭氏

案已批司核覆爾應靜候何得多瀆仍仰按察司查照前批迅速辦理具報抄呈批發

尹憲轅抄○本月十五日 尹憲由邯鄲縣 龍王廟恭請鐵牌到京由前門火車站經宣武門出得勝門供奉 覺生寺赴 頤和園十六日覆 命後回轅 南路廳謝大城縣邢固安

縣李到京

督憲轅門抄 十六日晚見 正任天津道王 十七日見 山西巡撫張大人曾歇 安徽試用

府陳慶齋 分府沈 候補府趙秉鈞 刑部主事張志嘉 撫寧縣都林布 東安縣常謹芬

候補縣羅正鈞 董恩慶 孫毓琇 張樸 試用縣韓承琦 龔慶霖 宮保五點鐘出門

回拜張撫台

專件

列國軍制考略

德意志

德國軍事分爲二項。曰國防、用兵。曰軍政事務。陸軍大臣之責任。惟德意志帝國界限最明。僅有軍政事務一節。是其歷史使然矣。

德意志陸軍由各邦結合組織而成。依其帝國憲法六十三條。則軍令之權屬於德意志皇帝。獨巴里威於平時軍令歸其國王自行發布。其他軍制職權依然屬於各邦政府。其第六十三條第五項之文曰。德意志陸軍於各部隊之行政給養武裝準備不可缺統一權。今欲保維其統一。凡普魯士陸軍發布之制令皆移知於聯合軍司令官。使各邦遵其制令以爲模範。聯邦會議之時有軍政委員而以普魯士大臣爲之長。司一切軍政事務。由是觀之。欲保維聯邦軍隊之統一。故以普魯士制令爲模範也。其軍制又分爲二項。德意志帝國僅有國防用兵之權。無軍政之機關。各邦（巴威里不在內）亦僅有軍政事務之制度。無軍令之權力。德意志帝國海軍與陸軍異。其初獨普魯士有海軍。他邦皆無。故普魯士將海軍移歸帝國之時。其號令與軍政權皆屬德意志皇帝。其憲法第五十三條之明文曰。海軍官衙在德意志帝國各邦無之。

德意志陸軍發布其國防用兵號令與軍政事務。因帝國與各邦有分割之事。故憲法將

此兩權明晰分書以防各邦政府妄生爭議然明晰之中亦含有混交事務則強以皇帝之號令而附屬之。未完

奏議錄要

直隸總督袁奏請規復糧租折價酌提盈餘以充學堂經費摺

奏爲直隸開辦學堂經費支絀擬請將從前徵收糧租折價較多州縣規復舊章酌提盈餘以資挹注恭摺仰祈 聖鑒事竊維興學儲才實爲目前切要之務疊奉 諭旨教促各省開辦自應剋期舉行

惟省會暨各府廳州縣一律普設需款亦甚浩繁直隸本係缺額之區遭亂以來庫儲罄竭兼以被兵被匪被水被旱各州縣應徵糧租分別請豁請蠲請緩入款更少而本省奉派俄法英德四國舊洋款八十餘萬兩新賠款八十萬兩數鉅期迫籌解已極爲難此項學堂經費更屬無從措集臣焦思至再惟有將從前征收糧租折價較多之州縣仍分別規復舊章卽以溢出之銀提作學堂之費似尙於民情政體兩不相妨查直隸一百四十四州縣廳如良鄉保定文安昌平樂亭清苑滿城安肅望都容城東鹿安州河間獻縣任邱交河景州吳橋東光滄州南皮鹽山慶雲贊皇晉州藁城邢台沙河河南和唐山任縣威縣長垣懷安懷來廣昌棗強武邑衡水趙州柏鄉高邑深州饒陽深澤並天津河捕同知計四十六州廳光緒二十四年以前征收糧租每銀一兩折征制錢均在二千元以上內吳橋慶雲南皮沙河四縣竟折至制錢二千七百餘文及二千八九百文之多經前任藩司廷杰議將該四十六州縣應徵糧租折價自二十五年起一律核減每地糧止銀一兩連應加例耗並一切傾鎔火耗雜費在內祇准折征制錢二千元其無例耗租銀祇准折徵制錢一千九百文至通州等九十八州縣應徵收糧租有全數征銀者有銀錢兼收者有矜戶完銀民戶折錢者核計折價均在制錢二千元以下內懷柔平谷兩縣有僅折制錢一千二百餘文者均仍其舊詳經前督臣裕祿 奏准遵行在案現時直隸銀價每兩制錢一千二百文上下較之

二十五年無甚漲落體察情形通州等九十八州縣廳糧租其向征銀兩者加耗無多僅數報解卽折征錢文者定價頗小亦少盈餘均屬無可提撥惟折價較多之良鄉等四十六州縣廳由來已久民間習爲故常二十五年奏准減征此項盈餘不歸於公而歸於民雖爲體恤民生起見惟鄉曲小民距城窳遠糧賦無多且因數目零星艱於籌算往往仍照向完錢數交由書差包完是中飽全在書差民間實未盡沾利益原辦本屬失策直隸糧額本輕州縣平餘本較他省爲少自折征減價以後適值地方多事牧令辦公竭蹶轉致百弊叢生滋擾愈甚懲前毖後亟應重定章程剔除中飽以期有益於國無損於民況當此款絀用繁之時尤應化私爲公俾資挹注臣悉心籌議擬請將良鄉等四十六州縣廳減征案內糧價租價查照二十四年以前舊章原折制錢在二千四百文以上者仿照山東 奏定之案改爲二千四百文其不及二千四百文者悉循其舊不准巧立名目多取絲毫州縣起運解司並俸工料留支等項仍照二十五年減定章程每兩制錢二千文及一千九百文計算餘出之項分上下兩忙按市價易銀批解司庫備充學堂撥款其瘠苦州縣辦公無資亦當酌量津貼俾無賠累之虞一轉移間民間以錢完賦較之往時並未增多而公家得此贏餘亦可稍資周轉以四十六州縣廳糧租計之但得中稔之年除去民欠獨緩帶征能收至七分以上約可提錢合銀十數萬兩以之接濟學堂經費洵屬不無小補如蒙天恩俯准照辦臣當飭司刊頒告示曉諭遵照卽自光緒二十九年上忙開辦倘將來銀價大有漲落再當隨時察看情形另訂章程奏明辦理除分別咨行外理合會同兼管順天府尹臣徐會灃順天府尹臣陳璧恭摺具 奏伏乞 皇太后 皇上聖鑒訓示奉 硃批著照所請戶部知道欽此

甘肅新疆巡撫潘奏息借款項遣散客勇改練土兵摺

奏爲新疆餉源短絀擬請息借華洋款項遣散內地客勇改練土著世襲兵以固邊防而紓餉力恭摺具陳仰祈 聖鑒事竊新省地曠人稀種類龐雜北路鎮迪所屬漢多回少伊犁塔爾巴哈台精阿庫爾喀喇烏蘇等處漢民極少滿繚哈劃地分居生齒亦非繁衍南路各城概係繚回土著有古處風自乾隆

年間開闢以來兵由內地換防餉由各省協濟同治初年全疆淪陷至光緒三年始行收建行省文則設立郡縣武則移置提鎮自副將以至守備以官帶勇以勇帶兵餉由內地協撥歲以數百萬計實爲朝廷一大漏卮在乾隆嘉慶道光時國富民殷莫多益寡以天下之財濟天下之用固屬無甚損益今則非昔比矣縱以本省無源可開不能自立亦當少糜帑項共濟時艱查北路草山甚多均極豐茂荒地亦復不少南路亦有草田官地若將內地客勇徐爲遣散改練土著之兵以官帶兵以兵帶勇仍與客軍營制無殊卽以此牧養之母庸力籌餉項實爲籌邊上策辦理之法擇戶民三丁以上者發給上地十畝免其租賦並給孳生牛馬各二十五隻羊五十隻統計百隻令其字屬自行耕牧數口之家足以養贍內挑壯丁一人入伍充兵卽不撥給口糧銀兩定以十年爲期大約自二十內外入伍三十內外出伍一人擇其子弟中之年力精壯者接換充當名之曰世襲兵差地畝與牛馬羊隻本非現餉可比易人經理必致窒礙惟專用漢民卽萬難足額擬鎮迪所屬每營五哨挑用漢民四哨搭用回民一哨以示一視同仁之意以四制一決不敢稍萌異志且可藉通聲氣伊塔精庫等處先儘漢民挑選兼用錫伯索倫并各部蒙古南路卽纏回其多足供選募議者謂邊氓愚懦不足以資戰守不知若輩最耐寒苦若訓步伐以暢其筋骸更練技勇以壯其胆略自與內地兵勇無異同一賦畀必謂北方之強不及南方之強非通論也第新疆自設行省經前撫臣劉錦棠奏明設立副叅遊郡守一百一十一缺馬步一百一十一營旗哨共計二萬八千餘人屢經裁減尙不下二萬人臣在新疆年久南北兩路足跡殆徧何處應駐兵若干務期不厚不薄斟酌盡善擬卽以馬步二萬人爲定額每步兵一名給孳生牛馬各二十五隻羊五十隻計共一百隻馬兵備鞍馬料草其牛馬羊隻皆須加倍籌給此外自護兵親兵以至營旗各官層遞加給切實估計共需孳生牛馬一百六十四萬餘隻牛馬價值相若每隻約需銀六兩計需銀九百八十七萬餘兩羊一百六十四萬餘兩二共約需銀一千一百五十一萬餘兩時局如斯從何籌措現擬步兵一名除撥給上地五畝外先給牛馬各五隻羊十隻共二十隻馬兵以上遞加通計先給十成之二均在官山牧放暫

不取孳每兵每月暫給鹽菜銀九錢食糧四斗馬兵每月併照舊章暫給馬乾銀二兩四錢不令賠貼此牛馬羊二成生生不息約計五六年後即可積次發足十成作為孳生定額此後再有孳生又在官牧放三年則長大臆壯即不取其利約可獲銀四五十兩加以墾地所收之糧亦可獲銀二三十兩共可獲銀六七十兩除工本外尙可餘銀五六十兩較現發勇餉每名三兩六錢歲得銀四十三兩二錢猶有長餘是以屯牧之利及所免之糧抵為兵餉農民未有不爭先恐後者統計八九年後馬步銀糧皆可停止僅給營旗哨官辦公經費及器械軍火軍裝等費新疆兵餉無須力籌窮則思變其法無逾此者然即此辦法先行籌給牛馬羊隻二成亦需銀二百三十萬有奇查各省協甘餉銀湖北三十三萬兩湖南一十六萬兩江西三十六萬兩除撥解新疆賠款十萬兩外尙應找餘銀二十五萬餘兩三省每年應解銀七十四萬餘兩三年得二百二十二萬餘兩若指此作抵息借銀二百萬兩議以三年歸還本利全償黨無虧短其餘孳生經費不敷銀三十餘萬兩即由臣通融勻撥尙不為難惟此項協餉係甘新伊塔公分之款今請概抵新疆借款所有甘肅伊犁塔城該三省之餉仍在新疆應分各省協餉內劃扣抵撥並無出入擬請 飭下兩江總督南洋大臣特飭上海關道無論華洋款項息借二百萬兩俾作資本以期集事款到之後練一世襲兵即裁一客勇計二三年後可以竣事從此無營官缺額之弊無兵勇飢潰之虞况以十年為期訓練可期精孰較之徵兵內地難易判然是於營務邊防兩有裨益除另擬世襲兵營制及屯牧犒餉章程咨呈軍機處及戶兵二部外所有新省餉源短絀擬請息借華洋款項遣散內地客勇改練土著世襲兵各緣由謹會同陝甘總督臣崧蕃伊犁將軍臣馬亮塔爾巴台參贊大臣春滿新疆喀什噶爾提督臣焦大聚合詞恭摺具陳伏乞 皇太后 皇上聖鑒訓示祇遵謹 奏奉 硃批該部議奏片併發欽此

甘肅新疆巡撫潘奏擬撥巴里坤濟木薩兩處孳生馬匹由

再新疆巴里坤濟木薩地方承平時均設有孳生馬廠逆獬變亂後濟木薩城池失陷馬廠馬匹劫掠無

存惟巴里坤本廠孳生馬匹雖疊被搶劫尙有遺留光緒十四年前撫臣劉錦棠稽查尙存大小兒驃馬四千五百餘匹咨准部覆今從光緒十六年七月分起照例取孳截至二十五年六月底止循例辦理三次均齊實存大小兒驃馬七千八百六十四匹經前撫臣饒應祺奏明奉到 硃批該部知道欽此欽遵在案光緒十八年前撫臣陶模奏請由巴里坤馬廠撥馬五百匹解交濟木薩營認真牧放自十八年八月十四日起至二十四年八月十三日止兩次限滿辦理均有實存大小兒驃馬七百六十七匹亦經前撫臣饒應祺奏明奉到 硃批兵部知道欽此欽遵轉行遵照各在案此次臣因餉項艱難奏請變通營制籌練世襲兵所有應需牛馬牲畜爲數甚鉅擬懇 天恩俯准以巴里坤濟木薩兩處孳生馬匹作世襲兵之用稍資散放如蒙 俞允敬請 飭部立案施行是爲有當謹會同陝甘總督臣崧蕃附片具陳伏乞 聖鑒訓示謹 奏奉 硃批覽欽此

本省公牘

直隸總督袁委楊紳俊元等辦理天津銀行札文

爲札委事照得天津市面情形異常絀滯非得本地富紳招集股本輔以官款開設銀行不足取信於人流通川換迭經督飭天津府凌守延訪楊紳俊元石紳元士卞紳煜光王紳文郁李紳士銘等會同籌畫復經本大臣面相勸諭該紳等承允集股銀百萬兩本大臣亦允湊集百萬兩分批備領旋據商務公所紳商甯世福卞煜光王賢賓公聯元稟稱各紳商集股尙稱踴躍但任大責重似須選擇殷富爲之領袖方與招款放款交有裨益本大臣夙諗楊紳俊元老成諳練衆望咸孚家道素稱殷實頗能顧全大局堪以派充銀行總董石紳元士卞紳煜光王紳文郁李紳士銘堪以派充該行董事迅即籌辦本大臣已飭天津行號在該號資本內立即湊足五十萬兩存儲一俟該紳等招股報驗後即將前款飭發領用卽由該紳等妥議章程趕緊開辦其餘五十萬兩一面由該紳等合力籌集本大臣亦飭銀號在發存各項內陸續提存候撥並札委天津府凌守候補知府蔡守匯滄隨時稽查期臻妥善該紳等既爲鄉里推重衆

商信從必能設法流通不令日久阻滯津垣咸沾利賴本大臣有厚望焉除分行外合行札委札到仰卽遵照辦理並將開辦情形隨時報核此札 札四品銜候選員外郎楊俊元 四品卿銜候選道石元士 光祿寺署正卞煜光 三品銜山東候補知府王文郁 三品銜戶部郎中李士銘

直隸總督袁委蔡守匯滄會辦天津銀行札文

爲札委事照得整飭財政之銀行查現尙需時接濟市面之銀號收束亦難操切毛道現有京城兼差勢難專管必須派員會辦查有候補知府蔡守匯滄練達精詳堪以派充該局會辦隨時商同毛道汪運司酌量辦理除分行外合行札委札到該守仰卽認真經理毋負委任此札

直隸總督袁委甯令緝署理豐潤縣篆務札文

爲札委事照得豐潤縣郭令文肅因案撤任所遺縣篆應委甯令緝署理以專責成並由司補行牌委除分行外合行札委札到該令卽便遵照迅速馳往接印任事具報此札

北洋銀元局申報解送銅元數目公文

爲申報事竊照光緒二十八年十二月初二日職局稟呈試辦章程總綱第四條內載本局所需銀銅鉛錫等料均歸支應局購辦本局鑄成銀銅各元仍按批解交支應局兌收本局概不經手交易以清界限等語當奉 憲台批准照辦在案查職局第一至第十九批已解過當十銅元共一千零五十萬枚業經申報在案現截至五月十二日續鑄成當十銅元五十萬枚照章作爲第二十批專弁解交支應局核收接濟市面并照市價易回現銀以備周轉銅本除咨支應局外所有續鑄成第二十批當十銅元緣由理合具文申報 憲台察核伏乞 照驗施行須至申者 光緒二十九年五月十二日

時政紀要

京師大學堂與地教習鄒令代鈞昨已到堂編輯與地課本由屠教習講授○本月初間豫省大學堂學生及分教習等一律告退因供支委員吳某之僕羣毆東文教習之僕吳某袒護家丁又飯食

惡劣學生不食監督某請總教習孫某用壓力以制學生遂致開堂經延方伯一再調停始得了事並將吳委員記過撤差◎湖北師範學堂於五月初一日在閱馬廠操演已紀昨報茲悉是日分午前午後兩次操演午前自九鐘起至十一鐘三十分止午後自十二鐘三十分起至三鐘止得勝各學生除學堂賞品外端帥又加獎銀爵杯鐵如意計時表官書等品鄂生以隨州貢生楊培元爲第一湘生以沅陵廩生何榮光爲第一茲將運動場事務員名錄下 監督梁鼎芬 總務員戶野周二郎 陳毅 吳紹璘 設備員吳茂節 余光輔 易甲颯 吳紹璘 會計官顧朔 吳紹璘 指揮官吳茂節 易甲颯 吳紹璘 號令官余光輔 審判官戶野周二郎 陳毅 陳衍 汪鸞翔 易奉乾 賞品管理員曹履貞 易國霖 越日由監督會宴各學生於武昌府署◎湖南衡山縣小學堂已就研經書院開辦暫設額百二十名已聘經史輿地教習三人算學體操教習二人東文教習尙未聘定所需經費除籌有的款外並將斐峯集賢觀湘三書院舊有膏火合併支給應用儀器書籍統由聶仲芳中丞捐廉購助◎江西大學堂學生已請於總辦願改兵式體操在堂後覓地一區作爲操場

新疆司庫支給光緒二十二年分通省驛站飯食油燭紙張料草站價倒馬等項銀一十一萬一千三百九十六兩七錢五分已造具清冊詳請撫院潘奏咨核銷◎光緒二十二年分新疆糧台善後收支各款截至是年十二月底止實存銀五千四百五兩有奇已分造總細清冊詳請奏銷◎江甯蘇州兩藩司業將光緒二十八年下忙地丁等款已未完銀數分晰查明是年各屬秋收減款以致完數短絀統計上下兩忙雖未徵足九分短徵無幾所有經督催徵不及分數職名應免核議已造冊詳請撫院奏咨查核

光緒二十五年七月初一日起至十二月底止新疆省實存防軍行糧章程馬隊五旗標營章程馬隊五十二旗步隊二十二營二十一旗二哨開花砲隊六哨共額設統領營旗官哨長三百八十員巡查一百二十二員營書弁勇二萬四千四百二十四名義勇一千六百七十八名額外火夫馬夫車

夫棚夫等六千三百二十名由糧台繕具清單詳送撫院奏請 飭部立案◎長江水師定章提督以半年駐下江半年駐上游周歷各營查看鎮將弁兵稽察勤惰本年程從周軍門由瓜洲一帶巡閱水師營伍於四月初六日到蘇當與蘇撫院面商整頓各事宜旋即督帶師船駛赴上游已由恩中丞將提督照章巡視下江水師事竣緣由附片具奏

刑訊 江蘇臬司審解丹徒縣盜犯楊老九聽從逸犯張麻子起意夥同已獲正法之洪老八等行劫事主楊萬海家得贓該犯於到案後供獲夥盜過半並洪老八等先行正法一案經蘇撫恩親提研鞫供認不諱除已照章就地正法各犯與該犯等在外爲匪無覺察之原籍牌保並鎗傷平復之楊萬海等均毋庸議外楊老九擬斬監候秋後處決先行刺字已奏請 飭部核覆

各省新聞

測量珠海 粵垣鐵路公司現派工程師測量珠江海道以備他日鐵路告竣挖深海道開築碼頭俾便海船出入計灑泊測量工程約須兩月方能竣事

分穀播種 前署江督張宮保在任時曾委員赴日本採購早稻穀種茲已運省由魏午帥分發甯蘇兩屬試行種植

條陳圓法 漢口當十銅元推行日廣錢價仍未能平現某商條陳添鑄當二十至一百銅元以利民用已呈請商務局轉稟大府未知能允准否

漢報官辦 鄂督張宮保久欲將漢口日報改爲官辦因英商普爾思未允而止日前復由端午帥商諸英領事始經議妥由五月初一日改爲官辦暫停刷印另改新章一俟整頓妥貼即照常出報並聞午帥飭梁節菴張堯臣兩太守仍延該館總主筆沈君習之主持筆政而沈君亟欲回吳省親尙未應允

滿市佳信 無錫蠶繭收成頗好繭質亦佳鮮繭每担價洋五十五元往購者均平穩

電催赴任 蘇藩陸方伯升署漕督正在預備交卸近復接陳小石漕帥由清江來電以現奉京電催促

入都故即電致方伯迅即來浦接篆以便交卸北上

新輪開行

職商李某等現就上海糾集鉅款創設協成公司在香港某廠定造輪船四艘擬由上海往

來通州如阜泰興等處稟蒙督憲批准刻新造之海寧輪船業已來申定于十一日開行

浙江農工商礦總局章程 一興農政 近年米價騰貴豐歲尙然倘有偏災何堪設想聞東西洋之種

植輒倍收於中國同此土壤造物豈有偏私其培壅耕耨之得宜不待智者知之浙江爲產米之區若

不設法提倡何以改良查兩浙沿江沿海無糧荒地尙多本總局當詳請撫院立案如各屬本地紳董

有以新法種植者准指明地畝稟局飭縣查明試辦務宜墾牧兼施無棄土無棄材爲農取法 一講

工藝泰西工藝日異月新伺我必需仿行製造利源外溢由來已久不設法挽回將有工荒之患查光

緒二十四年五月間總理衙門奏定章程如有能造新器切於人生日用之需其法爲西人舊時所無

者許其專利三十年或西人舊有各器而其製造之法尙未流傳中土如有能仿造其式成就可用者

許其專利十年各商有能獨具心得製作翻新者以及仿造改良便於應用者准具圖說呈報本總局

驗明委係精良利用即行照案詳請撫院咨送外務部予以專利年限 一舉董事 各業之有董事

所以保衛同業也近來本意盡失往往於此業漠不相關之人以勢力入爲董事於商家增出一重壓

力即增出一分剝削非惟無益而且有害各業亦何必多此一人本總局權衡事理宜由商家公舉當

咨明牙釐局札貨捐局暨仁錢兩縣自今以後各業董如有更換須由同業公舉稟局由局飭諭充當

倘各業董有衆情不洽或挾私盤踞擾亂定章阻商家進步者准同業稟局斥退另舉 一團商體

華商至今日時勢愈亟心志愈歧往往獨思利己各不相容以致傾軋日甚大失均平主義始則網羅

壟斷卒至敗壞毀傷商務之害莫此爲甚本總局於局內分設商會公所以便各業商董隨時會集考

究本業之消長市廛之盈虛應如何力除積弊推廣利權以抵制洋貨之流入暢銷土貨於外洋冀決

勝於商戰商以戰稱尤資團體各貨消售價值同業務須評準畫一勿私自低昂以致彼此爭奪獲利

愈微各業有不均平之事欲求申訴者准隨時至所將事由告知局董代爲轉陳由紳士知會邀集業董評定曲直函請核辦仍以和平相處勿傷聯絡之誼一達商情中國官商之隔閡良由聲氣不通舉情蔽塞在官之於商未嘗不思以之恤之第不能遍就咨詢一一官導是以商業有事上訴隸胥得緣以爲奸商情遽無由而達本總局深悉此弊務冀一掃而空凡遇各商所稟即行照會紳士互相接洽所有形迹之真僞事由之曲直以及差役之欺凌棍徒之訛詐鄉秀之把持一經函告本總局查察確實定即札縣拘拿按律嚴懲以示扶持而舒商困一保商資商之資財乃國之元氣恭讀本年二月二十三日 上諭有各埠華商人等因事回華者其家資財產均著責成該督撫嚴飭地方官切實保護即行安定章程奏明辦理之語國家於回華商人既不忍其流離失所於內地商人更不得不保護維周本總局當飭令商董會同各業董事將本年進出各貨查明彙記冊簿次年如何貨銷場短絀即根究其滯銷之由力爲整頓使商家資本不至暗耗利源不被外侵倘商人爲洋商欺凌或奸商指使洋人與同業爲難本總局當准情咨洋務局照會領事據理力爭設法保護一洎逋負近來人心不古倒帳之事時有所聞有司衙門恒視錢債爲細故無暇追求故迭經控告無非延宕以不了了之以致刁儉奸商目無法紀倒歇講帳挾資脫逃曾幾何時又另立字號開張此等狡獪伎倆實商務之巨害本總局不惜煩瑣力除積弊此後各商有虧負倒欠情事准先至公所告知局董即由紳士令商董至債主家曉諭了結倘仍抵抗不遵一面由紳士函告一面由業主逕稟總局立即札縣拘拏到案查封家產勒限比追踰限不濟按照戶部刑部奏定章程分別定罪懲辦以警刁風而維商市一治礦產兩浙礦產之富不勝殫述特土人素昧講求未能一一指爲何礦各屬紳商有集資創設公司者本總局遵光緒二十八年二月初八日外務部奏定章程詳請撫院咨明開辦土人有探得礦產無力集資者准將礦苗呈局由局考察果有利益招商按章承辦有民間私開各礦未經呈報不繳稅則者迅速稟局立案照章納稅毋得隱匿致干罰究一整局規本總局事關全省將來辦

有成效。當照會各府紳士，次第擴充，設立分局。茲當開創之初，尤宜整齊嚴肅，立定範圍，所有選派在局辦事各司董，有不合商情，經人指告者，由紳士查察確實，並無誣枉，即令自行辭退。書吏傳事及差役人等，有迹近招搖需索分文者，一經覺察，照例嚴辦。本總局發縣各案，縣差有需索差費者，指控到局，即札縣懲辦。凡各業有籌集經費解局者，每年年終將出納欸目，刊成清單，備分各業，以昭大信。右章程九條，草創之初，未能詳備，俟查取各省章程，擇善而從，隨時增損，以期盡善。

新砲到鎮。常備右軍統領杜雲秋觀察，稟請江督由製造局發給哈乞開司快砲十尊，具領來鎮，當即分撥滿漢兩學堂，并論諸教習以砲隊法訓練諸生。

各國新聞

路透電報。西印度馬尼梯海島之蒙丕利火山，又復噴裂，因此斃命者，不下二百人。美國度比嘎城大火，幸得大雨始熄。美國荷敦學校，某教習房失火，生徒越窗逃避，有二生不及逃，遂焚斃。新金山（英國）聯邦政府首相巴敦，頗以英理藩大臣張伯倫所擬與屬地彼此優待之稅務政策爲然，且於英國國家大有裨益，但必須各自治屬民地有自主之權，以定其財政事宜方可。法國駐非洲阿及耳巡撫宣言，法國甚願將侵犯法屬邊界之匪黨，交與摩洛哥政府懲辦，但現由法國自剿者，係爲報復之計，亦甚合理。現意大利許多城邑中人，有仇視奧國之舉動，因奧國斯伯拉城學生，以無關輕重之事，與意學生爲難，遂動公憤，刻此事已變爲國際上之事件，意政府難於約束，頗以爲憂。南非洲轉爾士北屬電，有義華侯利士者，前充該處報館校對，昨忽以鎗自斃，鎗彈穿過頭顱。美國人頗留意於張伯倫之反對自由貿易主義。查探南極之地師，乘德國高斯輪船前往者，現已至南非洲之豆勃埠。駐上海德領事克納貝，告假回國，已蒙德皇於本月七號召見。

據聞商埠。韓京消息，或謂俄國將退出龍巖浦，但難明其何以有此意見。又云，韓政府擬將鴨綠江境，作爲通商口岸，以阻俄人強佔，韓國總稅務司前往該處，或因此事，亦未可知。

華奧交通 西七月始北清鐵路每日由北京開車一次來往奧京另加睡車食車頭等車價計英金三十五磅五先令二等二十七磅十二先令半

聯業公稟 日本織工聯業會已公稟日政府允准中國賠款以銀償付蓋以金償付則銀價低落殊於進口商務大有關係

輸送農具 俄政府上年向美國定購農務機器多件訂立合同定期運送刻聞美國的靈公司業將各項機器陸續鑄成交阿提洛商船運入俄境者過半俟全數運到即行點交聞由美運俄貨物若是之廣大厚重者實有罕有此項農具係黑海濱一帶美國各商廠合資共作故成功較速

重議賣島 美廷年前議將非律濱島售與德人旋即作罷刻雖復經提議尙無畫諾交割之期

租約畫諾 丹美議租安提島在西太平洋中墨西哥附近有土民五萬餘人已在美京會議畫諾聞

此項租約係美政府會同駐美丹使權行辦理故所議各款倘有窒礙可以調查更換
俄設亞東女學 俄文部大臣現議定本年秋間在亞東名埠設東文女學校一處研究清日韓三國語言文字專以譯學爲宗旨期以兩年卒業

警官無禮 日斯巴尼亞薩拉滿塞地方巡警官無故毆辱大學堂某生該堂學生羣抱不平復因該處巡撫袒護不辦尤爲憤懣遂聚衆拋石於官署巡捕託名彈壓闖入學堂鎗斃學生三名並傷多人現

該處大有亂象巡撫已卸任馬得力德京城及各城學生倡議共立民主通國爲之不靖

紀奧國鋼甲船 奧國阿怕德鋼甲船近由特司尼闊駛駐波拉海口查此船於千九百零一年秋間造

成載重八千三百四十噸速率每點鐘行十九海里機器二分馬力一萬一千九百匹載煤可八百噸配帶二十四森的大砲三尊十五森的快砲十二尊七森的十尊三零七森的十二尊機器槍二枝水

底毀魚雷艇二隻鋼甲厚約二百二十米里至薄處亦六十米里

購地泊船 美海部前議添一泊船處所當經派員查考現據查報以米啓幹海股爲最宜或用相近啓

哈郭海灣亦可，海部擬請政府撥發二十五萬金元，作爲購地之費。

南北分統 英兵部大臣宣言，香港以北之英兵，由威海衛統帶節制，香港以南，由香港統帶節制。

俄忌華商 西比利亞路成，華商卦莫斯科貿易者，實繁有徒，且於商務情形，考察詳盡，俄人頗忌之。

圓法新章 香港電，新嘉坡定例院，已將新圓法章程批准，該埠人民，甚爲滿意。

熱心愛國 墨西哥人亞花刺都，賦性純謹，慕義若渴，向以力自給，二年前在某礦爲傭，甚貧，值義舉則

舍衣食以供之，不惜也，近於打拉得一礦地，竭力採之，盡屬銀質，日出礦苗二千噸之多，遂暴富，於是

亞花刺都善力愈宏，熱心愈盛，現宣言將清查墨國所欠外債若干，欲盡數代還，雖傾其產，不悔。

交通之利 英屬加拿大西北一帶，草木暢茂，禽獸繁殖，天時寒冷，道路艱險，衣食騰貴，人不願居，數十

年爲取金入內者，不過一萬數千人，其他開耕麥園，畜牧牛羊者，不過數百，嗣因金坑告竭，取金人數

大減，而耕園畜牧者，亦寥若晨星，近十餘年，鐵路告成，運載貨物，經過其境，衣食價減，且無道路艱險

之患，地方官又修造小路，四通八達，殖民漸旺，或畜牛馬，或伐材木，或獵皮草，以資營生，人遂蜂擁而

至，計每次火車到者數百人，入春以來，共到二十餘萬，而以從美國來者居多。

計學家言 製造之術，聚散利鈍不一，而成物多寡，亦因此而異，如紡棉織布，昔用手工，各戶散處，不相

連續，費時而利薄，自機器行，而工始蒼萃，職有專司，出貨速而獲利厚，不特紡織，凡百製造，莫不皆然。

卽就紡棉而論，紡織既多，則成線亦多，譬以一局安置一萬錠，與兩局各置五千錠，權其本利，孰得孰

失，業此者多明其理，蓋分設兩局，規模較小，置錠無多，不足盡機器之功力，則其利自微，且監工之費，

無分工人之多寡，司機之匠，無分機器之大小，設如紡織一萬，需本六萬元，紡織五千，亦需本三萬三

千元，是功減其半，而本乃過半，大抵生物，雖利乎多，而要必視其銷場之暢滯，以爲準則，若所售之數，

不敵所生之數，則貨物充積，製造不得不停，於是機器閒置，工匠坐食，遂日蝕其母財，遑言生利，此中

之得失關係，資本家不可不熟思而審處之也。

精製各種竹器

本商店精製各種竹器花樣翻新備極雅致而且堅固不敗中國仕官用之最宜器既較他種為良價亦隨人意一各色梳篦既輕且巧獨出心裁大小高低隨意一茶桌有圓式八角式者亦分細席面漆底金花面其大小高低架類不一一花盆架非常靈巧可觀一各種坐椅及使椅小椅種種其餘尚有各種不及備載店內另有樣本零批發價格外公道 天津日本租界十六號即老溜米廠澤商店謹白

天美文齋

本齋因新政之始各省學堂林立特將木板石印鉛印時務西學以及各種新舊書籍格外減價從廉發售原為廣開國氣有益士林起見并售體簡帖套體湖筆端硯廣硯泥金顏料八寶印色揭秘名人字畫各種南紙綾錦歌絹蘇杭雅扇各樣銅器文玩俱全 新出李文忠公海軍兩稿 請 惠顧者早為移玉是幸謹啟

天津官書局

自運各省官刻家藏木板石印鉛印經史子集新譯東西時務並採原刻洋文各種應用書籍地圖專賜願者請至北馬路平市銀錢局西路南本局購取價格外從廉劃一不二特此佈告

橫濱正金銀行

本銀行向在日本開設二十餘年資本金洋二千四百萬圓現收足金洋一千八百萬圓公積金八百五十一萬圓專做仕商匯款押款存款借存利息格外公道存款長期短期利息酌為等差惟比他行加厚總行設在橫濱又東京神戶長崎 英之倫敦法之巴黎美之紐約舊金山以及布哇孟買華則香港上海牛庄北京等處皆有分行凡通商口岸皆有妥實代辦之家倘蒙 仕商欲匯款存款者請至本銀行面議可也特此佈告 天津紫竹林支店估衣街分行謹白

國醫圖書館

日本監獄法 俄國監獄之慘酷人人知之顧空言改良而無所據以為模範則奈何日本監獄法悉仿西制斟酌盡善而是書言之最詳治法學者不可不覽每大洋四角五分

希臘史

歐洲文化既為我國學者所歡迎而希臘史亦以次出現於世界願於其文化原泉之希臘尚未完備之史洵遺憾也日本原原一君所著希臘史文者詳其探討而譯印之以餉傾心歐化者每本大洋七角五分

國度支考

我國財政之弊極矣非創立歲出入之預算不能有濟是書為英國司新說教授學教育之重要得開勒君所著可以見彼國財政之概略實取法焉每本定價大洋四角

東華錄

國朝大事莫詳備於東華錄無待贅言惟全書卷帙繁重檢閱費時近出節本或抉擇未當或板本未精讀者不免遺憾本館現用四號新鑄鉛字排印並加句讀紙張潔白校印精良於學堂應試之屬相宜每部裝訂二十冊准大元

商務書館華英音韻字典集成

是書集字語十萬餘言註以音韻標其讀法繼之英字註釋華字譯義並綴文法字類音韻以英國名士納翰耳字典為宗譯義循西儒羅存德本而訂之並附千餘幅以明異物奇器之狀末附英國假借他國俗語解義或筆字解誌詳略及中西地名表鴻博精密昔所未有凡一千九百十四葉洋紙鉛印用英國皮面題以金字甚為美觀每一百冊實洋七元五角批發另議 商務印書館總發行所啟

商務書館華英音韻字典集成

是書集字語十萬餘言註以音韻標其讀法繼之英字註釋華字譯義並綴文法字類音韻以英國名士納翰耳字典為宗譯義循西儒羅存德本而訂之並附千餘幅以明異物奇器之狀末附英國假借他國俗語解義或筆字解誌詳略及中西地名表鴻博精密昔所未有凡一千九百十四葉洋紙鉛印用英國皮面題以金字甚為美觀每一百冊實洋七元五角批發另議 商務印書館總發行所啟

商務書館華英音韻字典集成

是書集字語十萬餘言註以音韻標其讀法繼之英字註釋華字譯義並綴文法字類音韻以英國名士納翰耳字典為宗譯義循西儒羅存德本而訂之並附千餘幅以明異物奇器之狀末附英國假借他國俗語解義或筆字解誌詳略及中西地名表鴻博精密昔所未有凡一千九百十四葉洋紙鉛印用英國皮面題以金字甚為美觀每一百冊實洋七元五角批發另議 商務印書館總發行所啟

凡一千九百十四葉洋紙鉛印用英國皮面題以金字甚為美觀每一百冊實洋七元五角批發另議 商務印書館總發行所啟

天津文方齋
開設市門外歷有年所修理各樣鐘表並售丈一尺白底中間五彩花磁面雙打四刻鐘六尺五起寶塔式打
樂打八音琴轉人走水走船小兒盤杠壽星老法蘭片畫雙打報刻座鐘三四尺八仙慶壽走人盤杠打樂亭
子式座鐘皮門鐘八音琴大小等如蒙賜顧請移玉至文方齋號是荷謹啓

永年保壽公司廣告
泰西設險公司陸居者無憂可祿水行者不懼陽疾意美法良風行萬國本公司更念
人命至重尤不虞愛任上海設立永年壽德公司其章程較之他公司精益求精
費亦格外克己早為海內明哲諸君子所稱許今在天津紫竹林廣關後馬路西賓館隔院設立分公司聘請張君瑞臣總辦北洋通商
各埠保壽事宜如有囑保者請至本公司閱看詳細章程知非自譽倘有願意分理者請至本公司面議可也

浙史學齋支店
開設北京琉璃廠西門路北 最新出版如湖。學生之師範講義 萬國演義 大坂地覽會 英軻日
記 元稹史註 元史詳文證補 袁帥練兵書 十九世紀外交史 十五小豪傑 羣學 湘報類
纂及其餘。種要書均備

廣興號
專用機器印中西文字各款洋錢票帳部等紙料文房四寶書籍各式南紙及精製象皮。章自運時款鐘表廣洋雜
貨各國玩物新鮮罐頭食物花樣籐椅籐床廣東酸枝拾椅俱全貨真價實童叟無欺 諸君賜顧請移玉至天津法
界馬口。號面議 廣興號謹白

北洋官商合辦煙草公司招股廣告
啓者本公司先在保定農務局試造紙煙進呈 御用當蒙
天語褒獎現稟准 直督袁宮。改為官商合辦公司先發
官。二萬兩再招商股。萬兩推廣製造以興利源每股五十兩以二千股為滿敬告海內諸公如有願附股者北京琉璃廠工藝局
保定天津義善源上海虹口工藝局均有章程可到各該處閱看也 官商股總董 黃璟 黃思永啓

啓蒙畫報改良仍照舊價
自一百八十一號集成第七冊止嗣後添。加頁改為月報京外各埠概不零售本年二月三十
從減已出之報由一冊至七冊京價照舊外埠一二冊由二月初一日起均收六角五分以歸一律 各省定全年或半年者格外
從恕不奉覆 天津李茂林 同文仁記 紫雲堂及各書坊發售 北京五道廟本館特白

大倉洋行
本行開設英租界開平礦局西首專辦**軍裝機器及批發鐵道木版建造工**
程各種木料並熟皮材料精製各種**熟皮物件**什商賜顧壹切價值當
格外從廉以廣招徠

局書紙南記仁文后

本局專辦各色南紙箋簡
 帖套李貝湖筆自置各種
 水筆膠膠徽學繪徽雅硯
 赤金描金寶箋書壽圍屏
 對聯綾錦硃絹繪絹黃綾
 奏摺蘇杭雅扇潔淨顏料
 泥金八寶印泥日規羅盤
 刻磁茶壺茶碗各種文玩
 自置木板經史子集石印
 各種新譯萬國政治史記
 富國強兵與商利民及格
 致化學光學算學電學重
 學天文地理萬國公法各
 種中外輿地新圖英法德
 日各文及蒙學各書并自
 印訓蒙捷徑史鑑節要四
 書五經義策論歷代史論
 御批通鑑輯覽校本四書
 國朝政治新政全書精香
 館畫譜及日本新譯諸書
 並各種洋筆洋書古今名
 人字畫淇水齋變斗代售
 官報局所印書籍無不
 俱備一概批發價目格外
 從廉如蒙士商賜顧者請
 到天津宮南橋子胡同中
 間路北便是 本局謹啓

西 歷 一 千 九 百 三 年 六 月 十 三 號	輪船出口日期		天津開往各鐵路火車時刻		天 津 開 往 山 海 關
	廣濟	安平	和順	西平	
	五月十七日	五月十九日	五月廿一日	由天津往廣東	早六點二十五分
	招商局	礦務局	怡和行	礦務局	晚六點四十二分
	到開	到開	到開	到開	到開

西 歷 一 千 九 百 三 年 六 月 十 三 號	五月十七日		五月十九日		五月廿一日	
	赤金化寶銀四十二兩	公法平足銀二千七百一十	化寶銀二千五百八十文	合帖九七六錢一千八百八	銀元換錢一千七百文	合帖九七六一千八百八十
	洋合銀七錢一分三厘					

本報代派處

天津城內石橋胡同後齊佐周
 又城內鄉祠南李茂林
 北京方壺齋平分局琉璃廠有正
 書局○修文堂○公慎書局
 采定府西街分局○官書局
 河南省城南書店街分局
 上海寶善街文賢閣
 南京府同益分館
 錦州府城官書局
 山東省城官書局
 漢口鎮漢口日報館
 濟西南昌府派報處
 各府州縣驛遞不在此例

禮拜六